



Na osnovu Člana 4. Odluke o uvjetima, postupku i kriterijima za dodjelu stipendija izuzetno uspješnim učenicima i studentima Kantona Sarajevo, ministar obrazovanja i nauke Kantona Sarajevo raspisuje

## **KONKURS**

### **ZA DODJELU STIPENDIJA MINISTARSTVA OBRAZOVANJA I NAUKE KANTONA SARAJEVO ZA IZUZETNO USPJEŠNE UČENIKE I STUDENTE KANTONA SARAJEVO**

Budžetom Kantona Sarajevo za 2008. godinu izdvojeno je 500.000 KM za stipendiranje izuzetno uspješnih učenika i studenata Kantona Sarajevo. Od ovog iznosa bit će dodjeljen iznos od 450.000 KM za učenike osnovnih i srednjih škola i redovne studente visokoškolskih ustanova Kantona Sarajevo u skladu sa ovim Konkursom. Iznos od 50.000 KM bit će izdvojen za posebne kategorije (djeca Srebrenice bez oba roditelja, djeca sa posebnim potrebama i djeca nacionalnih manjina) u skladu sa tačkom V Odluke o uvjetima, postupku i kriterijima za dodjelu stipendija izuzetno uspješnim učenicima i studentima Kantona Sarajevo.

#### **I**

Pravo sudjelovanja na konkursu imaju učenici osnovnih i srednjih škola i redovni studenti visokoškolskih ustanova Kantona Sarajevo po sljedećim kriterijima:

#### **A) UČENICI**

##### **1. Opći uvjeti**

- da su državljani Bosne i Hercegovine;
- da su redovni učenici osnovnih i srednjih škola registrovanih na području Kantona Sarajevo i da imaju prebivalište na području Kantona Sarajevo najmanje posljednje tri godine.

##### **2. Posebni uvjeti**

###### **2.1. Učešće i rezultati na međunarodnim takmičenjima iz nastavnih oblasti**

- da su u prethodnoj školskoj godini, za koju se dodjeljuju stipendije, učestvovali na olimpijadama;
- da su u prethodnoj školskoj godini za koju se dodjeljuju stipendije učestvovali na međunarodnim takmičenjima (najmanje 5 zemalja učesnica) i osvojili najmanje 4. mjesto.
- da su u prethodnoj školskoj godini za koju se dodjeljuju stipendije, za predmete za koje je organizator takmičenja na kantonalnom nivou Ministarstvo obrazovanja i nauke Kantona Sarajevo ili je suorganizator na višim nivoima takmičenja osvojili:
  - a) prvo, drugo ili treće mjesto na nivou Bosne i Hercegovine;
  - b) prvo ili drugo mjesto na nivou Federacije BiH;
  - c) prvo mjesto u Kantonu Sarajevo.

## **2.2. Učešće i rezultati na međunarodnim takmičenjima iz oblasti sporta, šaha i umjetnosti**

- da su redovni učenici srednjih škola koji su u prethodnim godinama školovanja postigli najmanje prosječnu ocjenu 4,0 i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti.

## **2.3. Uspjeh u prethodnim godinama obrazovanja**

- da su redovni učenici III i IV razreda srednjih škola koji su tokom cjelokupnog prethodnog srednjoškolskog obrazovanja postigli prosječnu ocjenu 5, 0.

## **B) STUDENTI**

### **1. Opći uvjeti**

- da su državljani Bosne i Hercegovine;
- da su redovni studenti (koji nisu obavljali godinu) visokoškolske ustanove registrovane na području Kantona Sarajevo i da imaju prebivalište na području Kantona Sarajevo najmanje posljednje tri godine.

### **2. Posebni uvjeti**

- a. da su studenti prve godine studija koji su cjelokupno srednjoškolsko obrazovanje završili s prosječnom ocjenom 5,0.
- b. da su studenti prve godine studija koji su cjelokupno srednjoškolsko obrazovanje završili s prosječnom ocjenom najmanje 4,0 i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti.
- c. da su studenti druge i starijih godina studija s prosječnom ocjenom najmanje 9,00 postignutom tokom cjelokupnog prethodnog studija.
- d. da su studenti druge i starijih godina studija s prosječnom ocjenom najmanje 8,00 postignutom tokom cjelokupnog prethodnog studija i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti.

## **II**

Studenti iz prethodnog člana, koji su ostvarili pravo na stipendiju po osnovu prosječne ocjene, a koji imaju objavljene radove u recenziranoj domaćoj ili stranoj publikaciji, samostalan naučno-istraživački ili umjetnički projekat, po svakom objavljenom radu ili projektu dobijaju dodatni koeficijent od 0,1, a maksimalno 0,5 po ovom osnovu.

## **III**

U slučaju da dva ili više kandidata imaju jednake uvjete za stipendiju, prednost će se dati kategorijama lica naznačenih u Zakonu o dopunskim pravima boraca.

## **IV**

Iznosi stipendija za učenike i studente će ovisiti o broju kandidata koji ispune Kriterije, a utvrdit će ih ministar na prijedlog Komisije.

## V

Pravo na stipendiju kandidat ne može ostvariti ukoliko je već ostvario pravo na stipendiju od javnog sektora (Općine, Grada, Kantona, FBiH, BiH, fondova, ministarstava i javnih preduzeća).

## VI

Pravo na stipendiju kandidat može ostvariti samo po jednom osnovu iz člana I ovog Konkursa.

## VII

Stipendija se dodjeljuje nakon provedenog konkursnog postupka, a na osnovu kriterija propisanih Odlukom o uvjetima, postupku i kriterijima za dodjelu stipendija izuzetno uspješnim učenicima i studentima Kantona Sarajevo.

## VIII

Stipendije se isplaćuju odjednom ili u ratama, ovisno od priliva sredstava u Budžet Kantona Sarajevo. Sredstva dobijena stipendijama se ne vraćaju.

## IX

Listu stipendista objavljuje Komisija Ministarstva u roku od 30 dana od dana isteka roka za podnošenje zahtjeva za dodjelu stipendije.

Lista se objavljuje u dnevnom listu i na web- stranici Ministarstva obrazovanja i nauke Kantona Sarajevo.

## X

Kandidat može podnijeti pismeni prigovor na listu u roku od osam dana od dana objavljivanja iste.

Prigovor se upućuje ministru obrazovanja i nauke Kantona Sarajevo.

Ministar je dužan donijeti odluku o prigovoru u roku od osam dana od dana isteka roka za prigovor.

Odluka o prigovoru je konačna.

Uz prijavu na konkurs, koja obavezno sadrži adresu i kontakt-telefone, kandidati su dužni da prilože:

### A) UČENICI

1. Uvjerenje o državljanstvu – original ili ovjerena fotokopija (ne starije od 6 mjeseci),
2. Originalna uvjerenja/potvrde da su redovni učenici osnovnih i srednjih škola registriranih na području Kantona Sarajevo,
3. Uvjerenje o kretanju - original ili ovjerena fotokopija (ne starije od 6 mjeseci),
4. Prijava prebivališta (CIPS),
5. Dokaz o ispunjavanju posebnih uvjeta (**ovjerena fotokopija**) iz člana I tačke **A**) 2.1. i 2.2.
6. Originalno uvjerenje/potvrda srednjih škola registriranih na području Kantona Sarajevo za učenike kao dokaz da ispunjavaju kriterije iz člana I, tačka **A**) 2.3. (dokaz o ostvarenoj prosječnoj ocjeni 5,0. za učenike trećih i četvrtih razreda srednjih škola).

### B) STUDENTI

1. Uvjerenje o državljanstvu – original ili ovjerena fotokopija (ne starije od 6 mjeseci),
2. Originalna uvjerenja/potvrde da su redovni studenti visokoškolskih ustanova registriranih na području Kantona Sarajevo.

3. Uvjerenje o kretanju - original ili ovjerena fotokopija (ne starije od 6 mjeseci),
4. Prijava prebivališta (CIPS),
5. Dokaz – kopije svjedočanstva i diplome za studente prve godine (dokaz da su cjelokupno srednjoškolsko obrazovanje završili sa prosječnom ocjenom 5,0)
6. Dokaz – kopije svjedočanstva i diplome za studente prve godine (dokaz da su cjelokupno srednjoškolsko obrazovanje završili sa prosječnom ocjenom 4,0) i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti,
7. Originalna uvjerenja/potvrde da su redovni studenti visokoškolskih ustanova registriranih na području Kantona Sarajevo kojim se potvrđuje da su studenti druge i stariji godina studija sa prosječnom ocjenom najmanje 9,00 postignutom tokom cjelokupnog prethodnog studija.
8. Originalna uvjerenja/potvrde da su redovni studenti visokoškolskih ustanova registriranih na području Kantona Sarajevo kojim se potvrđuje da su studenti druge i stariji godina studija sa prosječnom ocjenom najmanje 8,00 postignutom tokom cjelokupnog prethodnog studija i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti.

**Napomena:**

**Učenici i studenti dokaze o ispunjavanju posebnih uvjeta dostavljaju samo za jedan od kriterija po osnovu kojeg apliciraju. Originalni tekst Odluke o uvjetima, postupku i kriterijima za dodjelu stipendija izuzetno uspješnim učenicima i studentima Kantona Sarajevo nalazi se na web-stranici Ministarstva ([www.monks.ba](http://www.monks.ba)).**

**Neblagovremene i nepotpune prijave se neće razmatrati.**

Konkurs ostaje otvoren 15 dana od dana objavljivanja.

***Prijave sa traženom dokumentacijom dostaviti lično na pisarnicu Kantona Sarajevo ( šalter sala ), ili poštom preporučeno s naznakom "Stipendije za talente"- ne otvaraj ( otvara komisija ) , ulica Reisa Džemaludina Čauševića broj 1. (kontakt telefon 033 562 128).***

*S ciljem pojednostavljivanja procedure doznake sredstava kandidatima koji dobiju stipendiju u skladu sa ovim Konkursom potrebno je da aplikanti u prijavi navedu naziv banke i broj tekućeg računa, odnosno štedne knjižice na koji/kuju se sredstva mogu doznačiti.*

**MINISTAR**

***Mr. Safet Kešo***



e-mail: [monks@ks.gov.ba](mailto:monks@ks.gov.ba), [www.monks.ba](http://www.monks.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

